

Акафист святителю Игнатию Брянчанинову, епископу Кавказскому

Кондак 1

Избранный Небесным Царём и от Него прославленный, святителю отче Игнатие, ныне всечестную твою память празднующе, молим тя усердно: путеводствуй нас на пути спасения, избави от враг видимых и невидимых, от скорбей и болезней, да с любовью зовём ти: Радуйся, святителю Игнатие, покаяния и молитвы делателю и учителю изрядный!

Икос 1

Архангели и Ангели удивляхуся житию твоему, святителю отче Игнатие, како ты от лет малых к Богу велие рачение имел еси и по заповедем Его житие твое неуклонно проводил еси. Дивящися таковому благоразумию твоему, со умилением взываем ти:

Радуйся, скорбящих безчадных родителей твоих рождением своим утешивый;

радуйся, рода честного отрасль прекрасная.

Радуйся, Ангела-хранителя твоего непрестанное веселие;

радуйся, родителей и наставников твоих своею кротостию и покорностию удививый.

Радуйся, от лет младенческих ко иноческому послушанию себе приуготовивый;

радуйся, душу свою младенческую к Богу устремивый.

Радуйся, в молитве и богомыслии отроческия своя досуги проводивый;

радуйся, для меньших братьев и сестер твоих пример молитвы и послушания бывый.

Радуйся, святителю Игнатие, покаяния и молитвы делателю и учителю изрядный!

Кондак 2

Видяще родители твои великая твоя дарования, послаша тя в царствующий град, да обучен будеши к восприятию воинскаго звания. Ты же, избранниче Божий, юн сый лета, старец же мудрый разумом, вся сия яко тленна и скоропреходяща почиташе, к единой же Красоте и Сладости неизреченней — Господу Иисусу Христу умом и сердцем устремлялся еси, поя Ему: Аллилуиа!

Икос 2

Разум божественный от возлюбленного тобою Спаса Христа приял еси, Игнатие досточудне, егда еще отрок сый, во всех видимых образех мира сего руку Небеснаго Творца и Промыслителя проразумевал еси. Темже прославляюще тя, вопиём ти сие:

Радуйся, в видимых явлениях природы Невидимаго Бога созерцавый;

ра́дуйся, тишинú и уединéние пусты́нное возлюбíвый.
Ра́дуйся, от лéт óтроческих к Бóгу вéлие рачéние имéвый;
ра́дуйся, вся красная и сладкая мíра сегó презрэвый.
Ра́дуйся, мзду́ небéсную от Гóспода восприéмый;
ра́дуйся, моли́тву Иису́сову непреста́нно творíвый.
Ра́дуйся, соверше́нную любóвь ко Гóсподу показáвый;
ра́дуйся, возлю́бленнаго тобо́у Иису́са вíну в сéрдце твоéи
носíвый.

Ра́дуйся, святителю́ Игна́тие, покая́ния и моли́твы дéлателью и
учи́телю изря́дный!

Кондак 3

Си́лою Вы́шняго осенéн бýл еси́, óтче преблажéнне, егда́ вся, я́же в
ми́ре сéм за блага́ почита́ются, отвéргл еси́ и, по за́поведи Христа́
Спаси́теля, взéм крэ́ст, невозврати́мо Емú послéдовал еси́, непреста́нно
по́я в сéрдце твоéи: Аллилу́иа!

Икос 3

Име́я в души́ своéй пла́менное желáние ми́р оста́вити и Христу́
послéдовати, не убо́ялся еси́ ни гнéва царéва, ни прещéний отéческих
и, ещé в ми́ре живíый, ино́ческим жити́ем себé украси́л еси́. Тéмже,
почита́я мýжество твоé и любóвь к Сладча́йшему Гóсподу Иису́су,
ублажа́ем тя́ си́це:

Ра́дуйся, во мла́дости твоéй адама́нтову твёрдость дýха прояви́вый;
ра́дуйся, еженеде́льнаго приобщéния Святы́х Христовы́х Таин, я́ко
велича́йшаго сокрови́ща, желáвый.

Ра́дуйся, на небесéх ны́не Христа́ приобщáйся, я́коже вожде́лел
еси́, ещé сýи на земли́;

ра́дуйся, я́ко сéмя Бóжие, все́янное в до́брую зéмлю сéрдца твоего́,
обильными слезáми ороша́л еси́.

Ра́дуйся, я́ко посреде́ мирских плéвел, сторичный пло́д
добродéтелей Гóсподу принéсл еси́;

ра́дуйся, чистоты́ душе́вныя и телéсныя усéрдный храни́телю.

Ра́дуйся, целомúдриа дивное украше́ние;

ра́дуйся, я́ко благоле́пие ли́ка твоего́ о душе́вней красоте́ твоéи
свидéтельствоваше.

Ра́дуйся, святителю́ Игна́тие, покая́ния и моли́твы дéлателью и
учи́телю изря́дный!

Кондак 4

Бу́ря помышлéний сумни́тельных не поколеба́ тя, Игна́тие
блажéнне, егда́ гнéва царéва не убо́ялся, чин во́инский оста́вил еси́ и,
подъём на ся́ и́го Христо́во и ми́р с собла́знами его́ презрэв, в
пусты́ню всели́лся еси́ и та́мо желáнный поко́й души́ своéи стяжа́в,
немóлчно пéл еси́ Бóгу: Аллилу́иа!

Икос 4

Егда слышано бысть во отечестве твоём, яко ты, юн сый леты, лепотою и дарованьи украшен, славу мира сего и сладости его возненавидев, в пустыню удалился еси, вси сродницы твои вельми удивляхуся, Ангели же на небеси возрадовашася зело и прославиша Бога, восхитившаго тя от суетнаго пути мирскаго и поставившаго на тесный путь иноческий, ведущий в Царство Небесное. Мы же, похваляюще святую ревность твою о Господе, зовем ти:

Радуйся, званию воина царя земнаго звание воина Царя Небеснаго предпочтый;

радуйся, на искушения от мира, плоти и диавола находящая, крепко ополчивыйся.

Радуйся, оружием Божиим, Крестом Христовым, вся козни вражия победивый;

радуйся, броню праведности облеченный.

Радуйся, шлем спасения восприимый;

радуйся, меч духовный, еже есть глагол Божий, паче всякаго человеческого оружия возлюбивый.

Радуйся, щитом веры от стрел лукаваго себе оградивый;

радуйся, чина ангельскаго блаженство неизреченное в Чертозе Небеснем получивый.

Радуйся, святителю Игнатие, покаяния и молитвы делателю и учителю изрядный!

Кондак 5

Боготечней звездѣ подобен был еси, Игнатие преподобне, егда предстал еси пред игуменом обители дальняя и скудная, прося прияти тя в число братии. Игумен же, испытав тя, ничтоже вопреки глаголаше, благослови тя на начало иноческаго пути твоего. Ты же, улучив чаяний твоих заветных сбытие, благодарне воспевал еси во умилении благодѣющему тебе Богу: Аллилуиа!

Икос 5

Вся братия обители удивляшеся, зряще великое тщание твоё во исполнении послушаний, имиже испытываше твоё смирение духовный отец твой. Мы же, почитающе подвиги и труды твои, во младых летах волею Христа ради подъятыя, умиленно вопием ти:

Радуйся, крест свой на рамена подъемый и Христу последовавый;

радуйся, узкий и прискорбный путь жития монашескаго волею избравый.

Радуйся, вспять николиже обративыйся;

радуйся, смирением своим дух гордыни низложивый.

Радуйся, талант свой в земли не сокрывый;

радуйся, во славу Божию и на спасение душ человеческих его употребивый.

Ра́дуйся, богому́дрыми писа́ньми тво́ими мно́гия ду́ши, во гресѣх погрѣзшия, оживи́вый;

ра́дуйся, сла́дкий гла́с Небе́снаго Домовла́дыки: «Ра́бе благи́й и ве́рный, вни́ди в ра́дость Господи́на твоего́» услышавый.

Ра́дуйся, святи́телю Игна́тие, пока́яния и моли́твы де́лателью и учи́телю изрядный!

Кондак 6

Смирéнием, постóм, наипáче же непрестáнною моли́твою на стра́сти плотскі́я крѣ́пко воева́л еси́, святи́телю, до́ндеже плóть твою́ ду́хови порабо́тил еси́, и сего́ ра́ди ны́не предсто́иши с ли́ки А́нгел престóлу Пресвяты́я Трóицы, вѣ́ну воспева́я: Аллилу́иа!

Икос 6

Возсия́ в тебе́ обильно́ благода́ть Бо́жия, егда́ ты́, чин а́нгельский воспри́м, вскóре са́ном священ́ства почтѣ́н бы́л еси́. Ду́х же тво́й, при́ятый во объ́ятия О́тца, тебе́ отвѣ́рстая, блаже́нство неизрече́нное вкуси́. Егда́ же избра́ тя Господь во игу́мена оби́тели Пѣльшемския, ты́ о словесных овца́х тво́их, тебе́ Бо́гом вруче́нных, де́нно и но́щно пѣ́клся еси́, да ни еди́на от ни́х поги́бнет нераде́ния ра́ди твоего́. Таковóму Бо́жию о тебе́ промы́слению ра́дующеся, зове́м ти́:

Ра́дуйся, в при́ятии а́нгельского чина́ заверше́ние ча́яний тво́их узре́вый;

ра́дуйся, небе́сному покрови́телю тво́ему, священномученику Игна́тию Богоно́сцу, подража́вый.

Ра́дуйся, я́коже и он, Го́спода Иису́са Христа́ в се́рдце тво́ем вѣ́ну носи́вый;

ра́дуйся, са́н священ́ства, я́ко вели́кий да́р Бо́жий, прие́мый.

Ра́дуйся, огню́ тезоимени́тый, огне́м ве́ры и любве́ к Бо́гу и бли́жним пламене́вый;

ра́дуйся, с благоговéнием вели́ким и стра́хом Безкро́вную Же́ртву приноси́вый.

Ра́дуйся, Пренепоро́чную Ма́терь Христа́ Бо́га на́шего я́ко Чистей́шую Святы́ню и Сокро́вище Сла́вы Бо́жия благоговéнно почита́вый;

ра́дуйся, хра́м благоукраше́нный во и́мя Ми́лостивыя Вратáрницы во оби́тели воздвигну́вый.

Ра́дуйся, святи́телю Игна́тие, пока́яния и моли́твы де́лателью и учи́телю изрядный!

Кондак 7

Хотя́ Человеколю́бец Господь, да не сокры́т бу́дет свети́льник добродéтелей тво́их, но да све́тит все́м, да просла́вят О́тца Небе́снаго вси́ челове́цы, ви́дящи тя́, изведе́ тя́ из оби́тели пусты́нныя на многотру́дная послуша́ния. Сему́ Бо́жию промы́слению дивя́щеся, со умилéнием зове́м: Аллилу́иа!

Икос 7

Нóвей обители преподóбнаго Сёргия близ царствующаго града дарова́ тя Господь, яко предстоятеля и дóбраго пáстыря, неусы́пно о словéсном стаде своём пекúщагося и о благолéпии обители ревнующаго. Сего́ ради и славяше ты́ братия тво́я, взывáюще сйце:

Рáдуйся, небéсному покровителю обители твое́я подражáвый;

ра́дуйся, дйвными храмы и строёнными сию́ украсйвый.

Рáдуйся, яко отец чадолюбйвый ча́да тво́я по пу́ти спасёния в Царствие Небёсное ведй;

ра́дуйся, жа́ждавшия вступити на пу́ть иноческий с любóвию во обитель приимáвый.

Рáдуйся, провинйвшаися иноки увещевáнными сво́ими к слéзному раскáянию приводйвый;

ра́дуйся, яко пáстырь дóбрый житиём и нра́вом всёй бра́тии пример пóдвига иноческаго подавáвый.

Рáдуйся, за спасёние их дúшу свою́ положити готóвый;

ра́дуйся, мона́шествующих сла́во и похвалó.

Рáдуйся, святителю Игнáтие, покая́ния и моли́твы дéлателю и учйтелю изрядный!

Кондак 8

Стрáнник и пришлéц на земли́ был еси́, святителю, якоже прóчии челове́цы. Обáче Господь от лёт младéнческих избрá ты́, яко угóдника Своего́, житиём бо и богодухновёнными писáнными тво́ими Гóсподу усёрдно послужил еси́. Мы́ же хвалу́ возсыла́юще ко Благодéющему тебе́ Бо́гу, вопиём Ему́: Аллилу́иа!

Икос 8

Вёсь добродётели испóлненный, во́истину был еси́ во плóти А́нгел, святителю Игнáтие, всёх притека́вших к тебе́ с любóвию приимáя, в скóрби их утешáя, на пу́ть покая́ния наставляя, непрестáнней моли́тве и пла́чу сердéчному научáя. Сего́ ради богáтии и бédнии, знáтнии и убóзии лю́дие, духо́вная ча́да тво́я, взывáху ти́:

Рáдуйся, но́вый Златоусте, о́гненными словесы́ тво́ими мно́гия заблúждшия к Бо́гу приведй;

ра́дуйся, богомúдрыми писáнными тво́ими вся и́щущия спасёния просветйвый.

Рáдуйся, за враги́ сво́я моли́тися наставляйый;

ра́дуйся, и са́м за враги́ тво́я с тёплою любóвию моли́выйся.

Рáдуйся, во враждующих на нас ору́жие Бо́жие ко исправлёнию нашему́ разумёти учйый;

ра́дуйся, Езекиины слéзы и Манассйины воздыхáния духо́вным очесём ка́ющихся представляйый.

Рáдуйся, пóдвиги и труды́ подвижников дрéвних в богомúдрах творёниях тво́их изобразйый;

ра́дуйся, в житий твоём всецёло́ им подражáвый.

Ра́дуйся, святителю Игна́тие, покая́ния и моли́твы де́лателью и учи́телю изря́дный!

Кондак 9

Все́ вои́нство а́нгельское и святите́лей ли́к удиви́шася, зря́ще тя, но́ваго уго́дника Бо́жия, вели́кими труды́ и по́двиги просия́вшаго. Мы же, убо́лажающе́ тя, просла́вльшему́ тя Бо́гу вопи́ем: Аллилу́иа!

Икос 9

На но́вое многотру́дное послуша́ние в да́льний кра́й Оте́чества на́шего отше́л еси́, святителю́ Игна́тие, егда́ же́зл архиере́йский от Предвече́наго Архиере́я, Го́спода на́шего Иису́са Христа́, вручи́ тебе́ архипа́стырь ца́рствующаго гра́да в собо́ре во и́мя Цари́цы Небе́сных. Разу́мюще в се́м во́лю Бо́жию, да и в чужде́й стране́ пропове́стся тобо́ю Ева́нгелие Ца́рствия Бо́жия, смире́нно зове́м ти́:

Ра́дуйся, в хиротони́и оби́льно благода́ть Божество́нную восприе́мый;

ра́дуйся, апо́стольскаго уче́ния испо́лненный и вся́ ве́рныя спаси́тельными стру́ями егó напая́яй.

Ра́дуйся, ве́рный де́лателью виногра́да Христо́ва;

ра́дуйся, цевни́це златостру́нная Ду́ха Свята́го.

Ра́дуйся, архиере́ев богодухнове́нное украше́ние;

ра́дуйся, я́ко уста́ми твои́ми провеща́ваше возлю́бленный тобо́ю Госпо́дь.

Ра́дуйся, духо́вных бра́тий и ча́д твои́х во оби́тели преподо́бнаго Серге́я, аще и те́лом оста́вивый, о́баче в моли́твах твои́х их николи́же забывы́й;

ра́дуйся, все́м ве́рным и неве́рным, призыва́ющим тя́ на по́мощь, ми́лостивый засту́пниче.

Ра́дуйся, святителю́ Игна́тие, покая́ния и моли́твы де́лателью и учи́телю изря́дный!

Кондак 10

Немо́щию телесно́ю и по́двигами жити́я утру́женный, во оби́тель свята́го Никола́я удали́лся еси́, святителю́ Игна́тие, хотя́ ду́шу твою́ ко отше́ствию от ми́ра сего́ угото́вати, иде́же в богомы́слии и моли́тве уедине́нной дни́ тво́я сконча́вая, пе́л еси́ немол́чно Бо́гови: Аллилу́иа!

Икос 10

Ско́рый помо́щник и уте́шитель бы́л еси́, святителю́ Игна́тие, не то́кмо к тебе́ приходи́ющим, но и да́лече су́щим, писа́ньми твои́ми их утеша́я, ду́х их ободря́я и вразумля́я. Сего́ ра́ди и возглаша́ют ти́ вси́ чту́щии богому́драя творе́ния тво́я:

Ра́дуйся, па́стырю на́ш до́брый;

ра́дуйся, приходи́щих к тебе́ николи́же отвраща́яйся.

Ра́дуйся, прося́щая твоея́ по́моци б́лижня и да́льня любóвию своёю объёмляй;

ра́дуйся, чту́щая со тща́нием писа́ния твоя́ в тесне́йшее едине́ние с душо́ю твое́ю прие́мляй.

Ра́дуйся, ча́да своя́ духо́вная христи́анскому терпе́нию учи́вый;

ра́дуйся, в страда́ниях на́ших промышле́ние Бо́жие о спасе́нии на́шем ви́дети наставля́й.

Ра́дуйся, всеце́ло преда́тися Прóмыслу Бо́жию ча́да своя́ научи́вый;

ра́дуйся, соверше́ния на́д на́ми во́ли Его́, я́ко ми́лости вели́кия, проси́ти у Го́спода запове́давый.

Ра́дуйся, святи́телю Игна́тие, пока́яния и моли́твы де́лателью и учи́телю изря́дный!

Кондак 11

Пе́ние всеумиле́нное приноси́л еси́ Пресвяте́й Тро́ице во вся́ дни земна́го жити́я твоего́, Игна́тие всехва́льне. Ны́не же предсто́я престóлу Царя́ Сла́вы, моли́ся о на́с, чту́щих святу́ю па́мять твою́, да моли́твою и пока́янием очи́стивше́ся, с тобо́ю кúпно во ве́ки веко́в воспоём Бо́гу: Аллилу́иа!

Икос 11

Свети́льник вели́кий Святы́я Правосла́вныя Це́ркве в жити́и твоём бы́л еси́, святи́телю Игна́тие, и сего́ ра́ди дарова́ тебе́ Вседержи́тель Госпо́дь кончи́ну чу́дну и просла́ви тя́ на небесе́х. Про́сим тя́, святи́телю ми́лостивый, испроси́ и на́м грешным, твоея́ по́моци и предста́тельства взыску́ющим, кончи́ну жити́я на́шего ми́рну и безболе́зненну, до́брый отве́т на Стра́шнем Суди́щи Хри́сто́ве и Ца́рства Небе́снаго насле́дие, да зове́м ти́ ра́достно:

Ра́дуйся, пра́ведною кончи́ною пра́ведность жити́я твоего́ запечатле́вый;

ра́дуйся, бли́зость отше́ствия твоего́ предуве́девый.

Ра́дуйся, со свети́льником горя́щим Небе́снаго Жени́ха души́ твоея́ сре́тивый;

ра́дуйся, в де́нь кончи́ны твоея́ с жена́ми-мироно́сицами Воскресе́шаго Спаси́теля узре́вый.

Ра́дуйся, чту́щих тя́ и по сме́рти николи́же своего́ предста́тельства лишáяй;

ра́дуйся, вся́ усер́дно тебе́ моля́щаяся благода́тию и попече́нием сво́им покрывáяй.

Ра́дуйся, твёрдо держа́тися еди́ныя и́стинныя святы́я правосла́вныя ве́ры ча́да твоя́ учи́вый;

ра́дуйся, вся́ прельще́ния ерети́ческая приима́ти и увещáнием их лука́вым внимáти стро́го запрети́вый.

Ра́дуйся, святи́телю Игна́тие, пока́яния и моли́твы де́лателью и учи́телю изря́дный!

Кондак 12

Благода́ть даде́ся ти́ от Бо́га, святите́лю Христо́в Игна́тие, моли́тися за ны́ и путево́ждствовати на́с на пу́ти спасе́ния, да, пока́нием очище́ни, в Черто́г Спа́сов преукраше́нный вни́дем и та́мо с тобо́ю и со все́ми угоди́вшими Бо́гу ра́достно воспоём Ему́: Аллилу́иа!

Икос 12

Пою́ще Бо́га, дивна́го во святы́х Свои́х, хва́лим тя́, Игна́тие блаже́нне, я́ко дру́га Христо́ва, блаже́нство ра́йское неукло́нным творе́нием за́поведей Господ́них стяжа́вшего. Моли́ о на́с грешных, да и мы́ о́бщницы с тобо́ю ве́чера Господ́ней бу́дем, умиле́нно зову́ще ти́:

Ра́дуйся, глубоча́йшим смире́нием твои́м, нището́ю духо́вною Ца́рство Небе́сное обрети́й;

ра́дуйся, добродете́ль сию́ во основа́ние все́х по́двигов ино́ческих полага́ти запове́давый.

Ра́дуйся, во пла́че о гресе́х свои́х Самы́м Го́сподом утеше́нный;

ра́дуйся, за кро́тость ду́ши твоея́ насле́дие жи́зни ве́чныя получи́вый.

Ра́дуйся, в земне́м жити́и пра́вды Христо́вой иска́вый, ны́не же на небесе́х ёю́ оби́льно насыща́йся;

ра́дуйся, за милосе́рдие твоё к бли́жним от Бо́га Щедро́давца поми́лованный.

Ра́дуйся, за анге́лоподобную чистоту́ се́рдца твоего́ Бо́га узре́вый;

ра́дуйся, вся́ клеветы́ и поноше́ния ненави́дящим тя́ Го́спода ра́ди проща́вый и за сие́, я́ко миротво́рец, вели́каго сокро́вища — усыно́вления Бо́гу сподо́бивыйся.

Ра́дуйся, святите́лю Игна́тие, пока́яния и моли́твы де́лателью и учи́телю изря́дный!

Кондак 13

О предивный уго́днице Христо́в, святите́лю о́тче Игна́тие! Приими́ сие́ ма́лое, о́баче от любя́щих и чту́щих тя́ се́рдце приноси́мое ти́ моле́ние и изба́ви на́с твои́м всемо́щным предста́тельством от вся́кия ско́рби, боле́зни и печáли, согре́й охладевши́я ду́ши на́ша огне́м ве́ры и любве́ к Бо́гу, да́руй на́м пре́жде конца́ пока́яние, бу́ди на́м к Ца́рствию Небе́сному путево́ждь, да та́мо с тобо́ю и со все́ми угоди́вшими Бо́гу во ве́ки веко́в поём Ему́: Аллилу́иа!

Молитва

О вели́кий и пречу́дный уго́днице Христо́в, святите́лю о́тче Игна́тие! Милостиво́ приими́ моли́твы на́ша, с любóвию и благодаре́нием тебе́ приноси́мая! Услы́ши на́с, си́рых и беспомо́щных, к тебе́ с ве́рою и любóвию припада́ющих и твоего́ те́плага предста́тельства о на́с пре́д Престо́лом Го́спода Сла́вы прося́щих. Ве́мы, я́ко мно́го мо́жет моли́тва пра́ведника, Влады́ку

умилюющая. Ты от лет младенческих Господа пламенно возлюбил еси и Ему единому служить восхотев, вся красная мира сего ни во чтоже вменил еси. Ты, отвергся себе и взем крест твой, Христу последовал еси. Ты путь узкий и прискорбный жития иноческаго избрал еси и на сем пути добродетели великия стяжал еси. Ты писанными твоими сердца человеков глубочайшаго благоговения и покорности пред Всемогущим Творцом исполнял еси, грешников же падших мудрыми словесы твоими в сознании своего ничтожества и своей греховности, в покаянии и смирении прибегати к Богу наставлял еси, ободряя их упованием на Его милосердие. Ты николиже притекавших к Тебе отвергал еси, но всем отец чадолюбивый и пастырь добрый был еси. И ныне не остави нас, усердно тебе молящихся и твоей помощи и предстательства просящих. Испроси нам у Человеколюбиваго Господа нашего здравие душевное и телесное, утверди веру нашу, укрепил силы наша, изнемогающая во искушениях и скорбех века сего, согрей огнем молитвы охладевшая сердца наша, помози нам, покаянием очистившимся, христианскую кончину живота сего получитьи и в Чертог Спасов преукрашенный внити со всеми избранными и тамо купно с тобою поклонятися Отцу и Сыну и Святому Духу во веки веков. **Аминь.**